

# 《念》

copyright@培敦中學

編劇：李綺琳、袁斯灝、何祿琴、林澤鋒

## 演員表

角色名字	演員姓名
沈志揚	錢梓暘(過去) 黃德天(現在)
老闆 (志揚拍擋)	鄭晉謙
志揚父親	胡智活
老闆太太	梁思韻
老闆女兒	袁樂桐
黑社會大佬威哥	鄭振威
古惑仔輝哥	黃炯輝
囚犯 A	袁斯灝
囚犯 B	方家榮
囚犯 C	李諾軒
囚犯 D	鄭晉謙
男秘書	方家榮
文員老闆	袁斯灝
清潔婆婆	李諾軒
節目主持 Jessica	劉嘉泳
老伯伯	黃炯輝
士多店老闆	鄭振威
電視台助理	何祿琴

## 開場

### 第一場：動搖

場景：監獄

人物：沈志陽、囚犯 A、囚犯 B、囚犯 C、囚犯 D、父親、輝哥、威哥

(囚犯 C 走去台右打水，囚犯 D 走到囚犯 B)

(囚犯 D 踢走囚犯 C 嘅水桶)

囚犯 C：你有冇規矩架你！你識唔識排隊架！

囚犯 D：你同我講規矩？你未夠班呀！係咪想試下開片呀！(推囚犯 C)

(囚犯 C 上前打佢，被囚犯 A 拉著)

囚犯 A：好心你出少句聲 la！當咩事都有發現過 la。

(囚犯 C 撿返水桶)

囚犯 C：你好嘢！(返自己位)

囚犯 B：睇佢個樣，都有排唔會出嚟 la！

囚犯 A：係依道開片，大家都 5 會有著數。哪，你不如照顧下 D 老婆仔女仲好過 la！

(隔一陣)

志陽：我老婆生子啦！

囚犯 C：切~士多啤梨？你當佢係你老婆？

志陽：唔得咩？你舊當你個木瓜係個仔咁吻咯

囚犯 B：咁都好過 1394 將榴蓮當自己個老豆咁服侍啦

囚犯 C：大老呀，你地係道搽波鐘架炸！

囚犯 A：咪係 lo！比盡你又可以賺到幾多錢啊……

(燈轉，回憶過去)

(音樂入，輝哥唱歌)

志陽：唉…

輝哥：志陽，唉聲歎氣做咩呀？

志陽：我最近有D錢銀問題。

輝哥：錢銀？係我輝哥身上從來都有擔心過！哪、跟輝哥一齊搵食，包你賺到笑 呀。

志陽：咁…咁輝哥你可5可以搵多幾份兼職？

輝哥：唉！兼職，比盡你又又可以搵到幾多啊！哪、等我介紹個人比你識la！（威哥入）一講曹操，曹操就到。（望威哥）威哥！入廟都要拜神，仲唔叫人！

志陽：（結結巴巴地）威哥.. 我叫志陽…你好

(威哥同志陽握手，同時交錢，然後再隱約地一張紙巾比志陽)

威哥：哪，見你係第一次，比多d你，好好做好佢呀。

(志陽打開紙巾，發現係一包白粉)

輝哥：哇，咁好賺？，威哥你從來都未比過咁靚嘅貨我 wo…咁仲唔多謝威哥！

志陽：下？我…我我運唔到毒品架，我做唔到架…

威哥：咩嘢唔得呀！你運都運la！做熟咗就得架la！你幾時見過有人比人捉到呀？

輝哥：哪，志陽。你睇下輝哥我，做咗三年，都未比人捉過，又點會有事啊！你唔講，我唔講，冇人會知嘅。

威哥：你係咪驚呀？驚嘅就唔好做呀，比返我。

輝哥：得嫁得嫁！佢係叻仔黎嫁！黎！飲返杯！  
預祝合作愉快！

威哥：好！下場我請！

(燈轉)

囚犯A：比盡你，又可以賺到幾多啊！

志陽：不如你地認真D咁剪下草，照顧下個D老婆子女算啦

囚犯C：算吧啦，點照顧咪又系咁細

志陽：我同你地唔同，我嘅夢想系(企起身)種出一個有拳頭咁大嘅士多啤梨！

(其他囚犯笑)

囚犯C：發夢啦

囚犯A：咪係，有冇親人先？如果你出到去，有親人借錢比你，實現夢想都容易D啦….

(燈轉，回憶過去)

(志場入)

志陽：返嚟la。

父親：志陽，過嚟，有嘢想問你。(比白粉志陽睇)我係你間房搵到依樣嘢。

志陽：冇，同朋友擺來玩姐

父親：你老豆我之前當差嘅，心照la

志：點啊？審我啊？你仲當自己係沙展啊？你未夠班呀！

父親：我咁樣做，咁樣話你都係為你好架炸！我都5知你幾時接觸D咁嘅嘢！

志陽：(猛然起身)我都唔知你搞咩，我細細個因為你爛賭冇左個阿媽，大少少呢？如果我唔系擺綜援啊，我依加都無書讀呀！搭車、食飯，樣樣都係錢，你比過幾多我呀？

父親：系…我之前系衰…但我唔想你仲衰過我啊，你自首啦，我幫唔到你咁多架。

志陽：我覺得我除左系你有份生我落來之外，我咩都無欠過你lo！既然宜家你阻住我搵我嘅生活，咁算lo！我同你從始無關係呀！我以後發左達，你咪洗旨意搵返我嚟養你呀！

(揮袖而去)

志陽：我…..的確系冇屋企人

囚犯C：唔系啊嘛，咁快死晒？

囚犯 A：講咩姐你(敲囚犯 C 的頭)

囚犯 B：唔好唔開心喔，可能出去仲有轉機呢

志陽：可能啦，可能啦…..

囚犯 A：出去先講啦

囚犯 C：不過我睇你都系算吧啦，我哋哩 D 命中注定，黑就係黑，白就係白，黑嘅咪係依道坐 lo，返唔到身架啦！

囚犯 A：(按下 C 的頭) 出去先講啦

(鐘聲)

囚犯 B：唉，又要去步操 la

囚犯 A：行 la，後生仔。

(囚犯 B 和 A 押著 C 離開)

(留下志陽一人)

志陽: (不確定)真係噉咩…

## 第二場：遇上希望

### Part 1:

#### 場景：Office

人物：志陽、文員老闆、男秘書

志陽：你好!我係嚟見文員架!呢份係我份履歷表!

男秘書：咁入嚟啦!

(男秘書帶志陽入老闆辦公室)

男秘書(大聲)：老闆，呢份係佢份履歷表，佢嚟見文員架!

老闆：呵呵，後生仔你叫咩名呀。

志陽：沈志陽

老闆：咩話?大聲少少

志陽：沈志陽!!

老闆：咩話?再大聲少少

志陽：沈志陽!!!

老闆：果然係後生仔，夠中氣!唔錯，唔錯。不如你講下你有咩可以勝任文員呢份工啦。

志陽：我打字好快架!你講咩我可以原封不動咁打番出嚟!唔信我打比你睇!

老闆：(深呼吸)一蚊一斤龜，七蚊一斤雞，佢話龜貴過雞，我話雞貴過龜，咁究竟龜貴過雞定係雞貴過龜?唔錯啫，後生仔!(睇履歷表)

老闆：呀秘書啊!呢行細細粒嘅字寫咩啊?

男秘書(細細聲)：佢有案底架

老闆：咩話?大聲少少

男秘書(大聲少少)：佢有案底架

老闆：咩話?再大聲少少

男秘書：佢有案底架！

老闆：(拍檯) 喂！你唔好當我老人家好好蝦 wo！我依道係 5 會收 d 坐過牢嘅人架！你走 la！

## Part 2

場景：公園

人物：志陽、公園婆婆、老闆、老闆老婆、囚犯 A、囚犯 B、囚犯 C

(志陽攤住報紙)

志陽：(打電話)你好，我前幾日向你地公司遞左求職信嘎，唔知結果點呢？

V.O.：呢位先生，如果你被我地公司錄用左既話，我地會再通知你嘎啦。(掛線)

志陽：(打電話)係…你好。我想問你地系未請緊保安嘎？

V.O.：呃……唔好意思啊，我地已經請左人啦。(掛線)

志陽：唉，見左十份工，十份都唔得。唉...唉.....唉！！!(扔罐，婆婆向後彈)對唔著啊婆婆！(將罐比婆婆)

婆婆：(路過)後生仔，做咩唉聲歎氣啊？

志陽：唉，我搵唔到工啊！

婆婆：後生仔，你咁岩遇上我呢個啊婆算你執到，我宜家冇份 5 夠人手，學歷要求唔高嘎，就係日日掃下街咁姐，有無興趣呢？

志陽：(急忙遞上履歷表)啊婆，咁你不如就請左我呢個年輕力壯既後生仔啦！

婆婆：唉，清潔工姐，使咩履歷表啊(坐低，隨手翻翻履歷表)啊……後生仔，我見你都有中學畢業啊，成績都唔錯 wo，點解又無人請你呢？

志陽：因為…我有案底啊…

婆婆：後生仔，你衰就衰在有案底，我老闆未必肯請你，唉，我都幫你唔到呀。

志陽：(坐在公園長凳歎氣)唉，連清潔工我都無得做，唔通連個天都唔鐘意我？

婆婆：後生仔，其實有時候，邊 d 嘢應該講，邊 d 嘢唔應該講，你應該要知架，



下次講嘢就自己醒少少啦！  
(婆婆走了，志陽呆坐在公園好久)

(此時老闆邊走邊講電話，來到志陽附近)

老闆：哎呀，老婆呀！都話左唔系咁咯，你聽我講啦！……唔系啊！你聽我講先啦！我同我秘書果日只不過去傾生意咋！根本無你想象中咁複雜……喂，喂，老婆，喂！唉！又 cut 我線，甘樣我邊有機會解釋清楚 bo，唉，今次水洗都唔清啦！

(志陽冷笑一聲)

老闆：笑咩笑？

(志陽續繼笑)

志陽：聽你岩岩講電話，係咪同秘書傾生意，又有同老婆講呀？

老闆：你點知架？！

志陽：係咪以為你同佢有道？

老闆：你又知？

志陽：仲唔只一次 tim！(扔酒罐比老闆)

(志陽續繼笑)

老闆：唉咪就係咁囉。都唔係第一次架啦。(同志陽一齊坐，開酒飲)唔怕同你講，上次呀，我自己去酒吧傾生意，(慢慢走到台中)又比佢話我出面有女人啲！我邊咁多女人呀！佢仲將我要心愛嘅……

**(老闆老婆拎住老闆心愛嘅 CD)**

**老闆老婆：你再過嚟我就擲架啦！**

**老闆：(轉身向老婆)老婆呀，你唔好咁激動啦！都話左我係自己一個去酒吧傾生意咯！**

**老闆老婆：咁你做成身香水味呀！你唔係話個老細係男人嚟架咩！**

**老闆：咁隔離檯有個女人呀嘛！你估我想架咩！**

老闆老婆：你梗係想架，唔係嘅話你件恤衫點會有唇印架！

老闆：噏，成件事係咁嘅.....

老闆老婆：我唔想聽你解釋呀！你上次又話人地唔小心 hi 到，會注意返。你今次又係咁！你係咪靜係注意邊到有女人呀！哼！（走）

（老闆走返長椅）

志陽：哪！女人好易哄翻嘎咋，佢地最中意甜言蜜語架啦，你返到去講多 d，之後就帶佢去間高級餐廳，食餐燭光晚餐，開支 87 年紅酒，再唔掂就買 999 粒士多啤梨...

老闆：唔係 999 朵玫瑰花咩？

志陽：總之就士多啤梨 la，一定掂！

老闆：下，咪要好多錢囉？

志陽：你要錢定要屋企呀？

老闆(思考一下)：梗係屋企啦，錢可以再搵架姐，我就翻去試試！

（老闆離開）

志陽：記得買士多啤梨！

（燈轉，回憶過去）

（囚犯坐地）

囚犯 A：志陽，仲乜你嚟鍾意士多啤梨！

志陽：紅色面上有 d 就一點點白色，有 d 就一點點點色，一粒粒幾得意！細個食士多啤梨好難，幾粒都要成幾+蚊！宜家知道點種，唔洗買，可以自己種！幾好啊！

囚犯 A：志陽，你唔係真係想種拳頭咁大嘅士多啤梨 ar 嘛？！

志陽：試下先 la！（放低一盒士多啤梨，其他人拿一粒）

囚犯 B：士多啤梨蘋果橙，酸嘅！（扔返士多啤梨入去）

囚犯 A：拿，我唔理大定細，白點定黑點，總之呢，我就要食甜嘅！

(鐘聲)

囚犯 B：唉，又要去步操 la

(囚犯 ABC 離開，只剩志陽)

志陽：(食一淡)真係酸 wo，唔得！我要種拳頭咁大，而且甜嘅士多啤梨！

(燈轉，第二日)

(志陽在公園打電話搵工，老闆再次途經公園，手拿着士多啤梨進場)

志陽：我想請問我上次份申請有無成功啊？…無成功啊，咁…好啦…唉

老闆：喂，真係唔該曬你啊，我老婆唔再懷疑我啦！老婆一見到 D 士多啤梨就好似明白晒所有嘢，無晒怒火！啊，不過呢，佢就話仲差少少嘢，但我諗嚟諗去都唔知爭 D 咩，不過唔緊要 la，最緊要佢無曬火。

志陽：都話左我 d 方法得嘎啦，唉，不過我呢邊就唔多得啦！

老闆：做咩？情聖遇到追唔到既女仔？

志陽：唔系啊！唉，系我搵左好多份工，無一份收我啊！你睇你睇，就連無咩人做既通渠，果度 d 人都唔收我啊！

老闆：哦…可能系你唔識通渠姐…但係，你 d 口才唔錯啊，點解無人欣賞你啊？

志陽：(思考)…，總之我點努力都好，都無人欣賞我 lo。

老闆：(睇下 A 手上既報紙)不如咁！我呢就係一間岩岩起步既公司既老闆，宜家好缺人，我邀請你來我公司做！

志陽：吓！真架？但係…

老闆：仲但係啲咩啊！你口才咁好，又有 d 小聰明，跟我翻公司啦，你一定會做得好好架！

志陽：不過…

老闆：唔好不過？一於拍著上 la！

(兩人搭住肩離開)

### 第三場：揭露

場景：電視台

人物：主持 Jessica、PA Rebecca、志陽、老闆、囚犯 B

Rebecca：好，手足換景！

(Jessica、志陽、老闆上台，慢行去台中)

(囚犯 B 係台另外邊做嘢)

Jessica：兩位嘉賓，一陣間呢，你地講 D 嘢要爆 D wo！內容都要豐富 D，咁會吸引到 D 觀眾架。

(Rebecca 係另一邊上台，準備錄影廠)

(囚犯 B 見到志陽，走向志陽)

囚犯 B：哦…沈志陽！喂，好耐無見 wo！仲記 5 記得我啊？

志陽：(猶豫一震)我好似唔識你架 wo…

囚犯 B：你認得我嘅，我咪係 567474 lo！

志陽：…(顯得非常尷尬)我都係唔認得你。

囚犯 B：…好，明嘅。做咗老闆 la 嚟，做訪問 la，唔認得人 la，想當年仲同囚夢 tim。

(囚犯 B 向台左走)

Jessica：啊，咁不如兩位到果邊休息下先。

(志陽同老闆走到台左，Jessica 追著囚犯 B)

喂！榮哥，岩岩聽到你話咩...同囚異夢啊？講嚟聽下啊。

囚犯 B：無嘢好講呀！

Jessica：(停低囚犯 B，比錢)飲茶飲茶。

囚犯 B：哪，當年呢，志陽就...

Rebecca：導演，準備好 la！

(志陽、老闆、Jessica 走到台中)

(音樂:清談節目開播聲)

(播放悠閒嘅背景音樂)

Jessica：Hello, lady and 嘅 gentlemen！又黎到我地西張東望嘅環節系呢個節目，係依個節目入面，我會為大家揭開所有知名人士背後不為人知嘅面！至於我系邊個？我就系你地嘅女神主持人(用手甩甩頭髮)Jessica 啦！入返正題先，今日呢我地好高興今日請到兩位精英，依兩位精英就係香港用咗只係短短三至四時間就稱霸本地傢具業界嘅 E 家傢司嘅兩位創辦人志陽同 Eddy，歡迎兩位。  
(拍手)

Jessica：咁今日我希望可以透過呢個節目去深入了解你地個……不為人知嘅一面啦(奸笑)事不宜遲，即刻進入第一條問題！你地系點樣認識呢？可吾可以透露少少泥聽下先？

老闆：點識啊…

志陽：我喺公園果道散步，咁岩遇到老闆佢。

Jessica：咁岩遇到老闆？

志陽：係啊，人生有 D 嘢就係岩得咁橋架，果日我就遇到老闆，我又無意間呢就聽到佢有小小煩惱 wo。

Jessica：咁唔知當時依個小煩惱係咩呢？

老闆：arr，依個係咩煩惱又真係 5 係太重要嘅…

Jessica：唔係唔重要架！我地 D 觀眾好想知道架！

老闆：唔係架，總之真係唔重要架！總之就係個一次我發現佢口才幾好，而且仲同我一樣都幾有生意頭腦，於是熟絡左之後就同佢合作開埋呢間公司，話都有咁快就 4 年 lu. 話晒我地都係相識左足足 10 年嘅好兄弟(搭老闆肩頭)，大家咁了解對方，咩秘密都有，親過親兄弟

志陽：系吖系吖，老闆佢吖，人品都吾知幾好吖！就算系生意上有 argument 我地都會互相配合互相包容，有時候我吾小心出左錯佢都會體諒我  
如果我地真係兩個世界嘅人，又點會做到今時今日咁嘅成就吖！

Jessica：你地依 3 至 4 年真係好好 wo，老闆份人又大方，連個好拍檔坐過牢都 5 介意架 wo！

(老闆同男主面有難色，互相對望)

Jessica：咦，點解你地個樣咁錯愕嘅？吾通老闆你吾知你拍當坐過牢？你地吾系親過親兄弟，唔通係假嘅？

老闆：(吞吞吐吐)eh...呢嘅嘢我就緊系知 la，只要有實力……以前經歷過嘅咩，冇咩所謂啦

志陽：(勉強地說)佢緊系知道啦

(志陽對老闆強顏歡笑)

Jessica：咁好 la，咁我地先休息一下，陣間番泥繼續第二節啦！

Rebecca: 導演 cut 左啦，ca 姐可以休息下,手足轉景

志陽：(吞吞吐吐) 其實…

老闆：我地再講…

#### 第四場：轉變

場地：公園

人物：老闆、志陽

(老闆坐係長椅同秘書講電話)

老闆：Eilee，同我 hold 住係愉景城個 project.... 等我再 check 多次，簽多個名先同對方確認.... 我知我知本來係沈先跟，但我想再 check 多次，沈生果邊我會處理... (志陽到公園，Eddy 見到)好啦... 唔好嚟八掛...(掛線)

(志陽走進)

老闆：(放低文件)過泥坐低吖，有少少嘢要同你傾一傾

(志陽坐低，拿着士多啤梨)

老闆：er...其實，你你有冇諗過休息下？

志陽：休息？哈！而家呢個歲數系搵錢嘅黃金時期泥喎，努力多幾年先算啦

老闆(拎出一張支票)：拿，呢道有筆錢，應該夠你過埋之後嘅日子

志陽：下，我依加 5 等錢洗 wo，5 洗 la！

老闆(打斷說話&攤出小單張)：你有冇諗住去下旅行散下心吖？呢道有個馬爾代夫嘅旅行團吖，你……

志陽：我話過公司一日未上市，我一日都唔會去旅行架！

老闆：你話你有個夢想，種 D 權頭嚟大嘅士多啤梨！

(志陽靜默數秒，放下手中的士多啤梨，然後攤起支票準備離開)

志陽：雖然仲未種到權頭嚟大嘅士多啤梨，但總比普通嘅大小小，有時間！試試味道！

(志陽離開)

(老闆放下士多啤梨)

老闆：有 d 嘢破壞咗，就修補唔到

## 第五場：尋死

場景：幸花村

人物：志陽、呀公、呀婆、老伯伯、士多店老闆

志陽：(自言自語)(手持酒樽) 唉，古人嘅說話真係無錯！紙，始終包唔住火！果然有案底既人點都無人肯收我架啦。不如係度完左佢啦。

老伯：(對士多老闆) 陳仔，有冇後生仔租地？

士多店老闆：無人問津！

志陽：老闆！有無炭賣啊？

士多店老闆：後生仔，呢度唔系燒烤場，點會點會有炭賣嘅？

志陽：咁呢度附近有無空左既屋？

士多店老闆：吹吹吹，我地村住滿人嘅！後生仔你系未來搞事嘅？

志陽：唔系唔系，唉，連個天都唔比我死，究竟個天為咩留低我？我呢件垃圾，唔死都無用嘅啦。

(老伯在旁留意志陽)

老伯伯：後生仔，做咩口出狂言？人唔系咁容易就死到嘅！

志陽：啊伯，唔系我想死啊，系呢個社會根本容納唔到我啊！

老伯伯：後生仔，你有手有腳，點會容納唔到你啊！你至少都讀過下書啦！

志陽：啊伯，你有所不知，我坐過監嘅！邊有人要我呢有案底既人啊？

老伯伯：咁你宜家打算點啊？(向老闆示意要酒)

(老闆擺兩罐酒係老伯面前)

志陽：唉。燒炭自殺不遂，我可能翻自己屋企割腕算 la，總之我唔想留起呢個世界度啦！

老伯伯：後生仔，不如咁，你先唔好自殺住，你幫我做件事，過幾個月，你再掂量下你仲要唔要自殺，好唔好？

志陽：反正我都系就離死嘅啦，唔爭在做下好事，死左之後都唔使落十八層地獄啊！



老伯伯：哪！我呢，準備同老婆去歐洲度假半年，但系我仲未捨得走，我驚我果塊地無人理啊！咁岩就見到你，不如你幫我起呢半年打理好距啦！啊，仲有我隻狗，你都要幫我睇住下 bo！

志陽：唉，好啦好啦，半年姐，好快過嘅

(老伯伯向台左走)

老伯伯：拿，就 gum 話 la!我依家去飛啦!  
依個檸檬，就送比你 la。(扔檸檬比志陽，落台)

志陽：啊伯，我幫你，你請我食檸檬？

## 第六場：醒覺

### 第六場 Part1

場景：老闆屋企

人物：老闆、女兒、老闆老婆

老闆：女，返泥啦

(女兒冇出聲，放低左手袋)

老闆：做乜又吾開心吖，今日系學校做乜吖

老闆老婆：你仲好講喎！睇個衰樣就知，佢實系學校吾知比邊個杯葛啦

老闆：女吖，生性嘅啦，你咁樣吾得嫁。日日返屋企乜都吾做，淨系掛住.....

女兒(拍枱)：好啦！你地一個二個講夠未吖，日日返到屋企都對我指指點點，想點吖？

老闆老婆：唉，你次次都話自己比人杯葛好吾開心。咁到底你又有冇反省過自己點解會比人吾中意吖，真系冇眼睇你。(遞上一盤士多啤梨)喲，咪話咁媽吾理你，食嘅士多啤梨啦，會開心嘅嫁。

(女示意 5 要，老婆放低士多啤梨)

老婆(帶點歎息離開)：呢個女真系吖.....

老闆(將士多啤梨遞上)：女，食粒吖

(女兒搖頭示意吾要)

老闆：女兒，好耐冇同老豆傾心事啦，難得今日老豆得閒，講下發生咩事吖

女兒(細細聲)：吾講吖

老闆：講啦，講左會好嘅嫁

女兒：(拍枱企起並大聲講)咪話左吾講囉！講左又點吖？你同佢地咪又系一擔擔你明吾明我每日系學校過得幾辛苦吖？日日都比人系背後講事講非吖！每日食 lunch 得我自己一個，行出行入冇人陪，而家連問人借枝筆都冇人肯吖

老闆：點解佢地會 gum 對你??

女兒：一句講到尾，所有人咪又系因為當初我一時貪心，偷左人地銀包單嘢

老闆：其實件事都過左咁耐，不如算數啦

女兒：算數？我都想就咁就，算數吖！但而家全世界都因為呢單嘢而杯角我吖你知吾知吖，依加我經過，佢地都叫「賊仔嚟 la」！我有用心改過嫁，但有鬼用咩？

(女兒將枱上嘅士多啤梨拋到地上)

老闆：喂，你吾好咁過分喎。咁你的確做錯左喎，嘅人咁對你系正常架。

女兒：所以咪話你呢嘅人乜都吾知囉，你到底有冇諗過，做錯嘢嘅人改得有幾辛苦！只會注定一世比人睇死做地底泥咋，同你講真系晒氣，冇 mood 吖，返房啦

(老闆系地上執回士多啤梨)

## **Part 2:**

**場景：**幸花村

**人物：**老闆、老伯伯、志陽

老伯伯：後生仔，我返離啦！

志陽：啊伯，好耐無見！去完度假精神左 wo

老伯伯：梗系，人逢喜事精神爽，我啊，準備又去北極旅行啦！我仲有一件好消息同你講，我諗住以後去多 d 旅行，所以我決定要將田地賣左距啦！你可以去死 la！

志陽：啊伯，你有所不知，我宜家鐘意左耕田，無諗自殺好耐啦！

老伯伯：咁岩曬，我將塊田賣比你，你繼續耕田啦！

志陽：但係我無錢買田 bo。

老伯伯：咁你有幾想耕田呢？

(志陽請老伯伯食他親手種的士多啤梨)

志陽：細細個我就對士多啤梨情有獨鍾，有一年我生日，老豆買咗一磅番來，我好渴望第一口嘅感覺，我急不及待洗乾淨 D 士多啤梨，然後揀咗一粒最鮮紅，我咬落去，酸嘅？！於是我將粒士多啤梨吐出嚟，係依一刻，我老豆一嘢車落嚟，至此佢無再買士多啤梨比我！有一日我問佢，點解唔買，佢同我講要食就自己買啦！就係咁，我有一段時間好憎食士多啤梨，但係，過咗一排，我對士多啤梨都係情有獨鍾。我係監獄入面，我學識咗種士多啤梨，我明白到白點同黑點係人生

中嘅一啲經歷，但係凡親種嘅，都係酸嘅，(將檸檬比返老伯伯)老伯，多謝你，我明白 la，(停頓)  
點解士多啤梨一定要係甜，5 可以係酸嘅，無酸，又點會甜呢？食酸嘅，又有咩嘢問題呢？我明  
la，酸都可以變甜架，其實，視乎你點想架姐，你想到佢甜

咩，(拿煉奶)咁咪甜 lo，所以，我真係好想繼續耕田架，我仲有個夢想未完成！

老伯伯：(點煉奶食士多啤梨)D 士多啤梨幾甜 ar！

志陽：伯伯！我仲想去耕田，去完成我未完成既夢想!

老伯伯：拿，好 la，咁你以後幫我打理依塊田 la。

志陽：多謝你! 伯伯！

老伯伯：gum 我間屋就交比你啦!我依加又飛 la。(拿著檸檬)睇你都 5 識煮嘢架 la，煮下佢，咪會  
甜 lo。真係厲害，酸既可以變甜，甜既可以變酸

(老伯伯離開，此時老闆出現，拿著一盒士多啤梨)

志陽：你之前咪話你老婆食完士多啤梨之後話仲差 D 嘢嘅…我知係咩 la。

(志陽將煉奶扔比老闆)

**全劇完**